

妙法蓮華經玄贊

卷一

一



八諦之醫

宗之外籠七地而孤榮

矣狀揚一實而包惣太虛振

以溟翰類其深旨妙高方其跋

華經者藻宏經之趣唱旌一部之

鏡義類之鴻標顯異筌之別目法含持

稱妙花兼秀發惣衆美而彰蓮體業

舉半滿之速已曉取捨之路方著經者為常者

攝是貫常則道軌百王法乃德模千業攝

妙理貫又御彼庸生庶令畢離苦津終登覺

者由也始也陳教契之因由作法興之別也區玄旨而異類流幽筌而彙別者揔也首也經有二十八類篠貫

首故名第一

經如是我聞 贊曰初釋經文略以六門

米

之意二明經之宗旨三解經品得名四顯經品廢立三彰品之次第六釋經之本文第一叙經起意者略由五義一為酬因請二為破疑執三為彰記行四為利今後五為顯時機酬因請中有二酬因二酬請初酬因有六一酬行因二酬願因三酬求因四酬持因五酬相因六酬說因佛果不可虛成必由業行方得行不疏起必願

妙法蓮華經玄贊第一

資生行願雖復自興無緣不能獨會雖逢緣以求重
非率尔而果成要由持學始能得果、就圓將陳
應物表經宗之深妙先現大相之因大相既彰理須敷
唱故標佛本出世為一大事故也由此酬因具斯六義一
酬行因者方便中唯論釋經八甚深云佛曾親近
百千萬億無量諸佛盡行諸佛法身直法勇猛精
進名稱普聞成就甚深熟未曾有法難解法者如來
能知隨宜所說意趣難解一切聲聞辟支佛所不能
知八甚深者一受持讀誦其深二修行三果行四增長功
德心五快妙事心六無上七八不共聲聞辟支佛
所作住持甚深經唯有六無第六第八至下當知諸佛

道法既盡行之具行一乘種智之因方得佛果故今酬
因說斯妙法勸脩因行二酬願因者方便品云舍利弗
當知我本立誓願欲令一切衆如我等無異如我昔所
願今者已滿足化一切衆生皆令入佛道壽量品云每
自作是意以何令衆生得入於佛道盡成就佛身若
昔因中若今果位無皆發願今衆生猶如我身得入
佛道故酬本願而說此經亦令衆生發此願故行願相
符致出世故酬求因者天授品云吾於過去求法華經無
有懈倦於多劫中常作國王求大菩提曾不退轉擊
鼓宣令四方求法時有仙人來白王言我有大乘名妙
法蓮花經若不違我當為宣說王聞仙言歡喜踴躍

即隨仙人供給所須乃至以身而為牀座身心無倦奉
事仙人經於千歲為求法故令無所乏尔時王者今
我身是時仙人者今提婆達多是以佛過去願行雖成
必由緣會恒重此經於善友所尊事求之故今宣說
今生求重酬持因者前八甚深中第一佛曾親近百千
万億無數諸佛名受持讀誦甚深初依菩薩供五恒
佛第二依菩薩供六恒佛第三依菩薩供七恒佛第四依
菩薩供八恒佛值多善友長時受持又釋迦如來過去
自為常不輕菩薩於威音王佛滅後行不輕行臨終
之時聞虛空中說法華經世千万億偈悉能受持即
得如上六根清淨更增壽命二百万億那由他歲廣說

此經命終之後得值二千億佛皆号日月燈明常持此
經以是因緣又值二千億佛同号雲自在燈王亦於諸
佛法中受持此經常獲如上六根清淨其常不輕即
我身是故為法時常持此經今者說之勸常受持酬
相因者既成佛已將說此經先為菩薩說無量義經
次入無量義處玄贊三三昧熟天雨四花地六振動四衆瞻仰八部
歡喜放毫光以遠照衆見此已疑生弥勒發問文殊告
言如我惟忖今佛世尊欲說大法雨大法雨吹大法蠡
擊大法鼓演大法義我於過去曾見此瑞放斯光
已即說大法乃至廣說今日如來當說大乘經名妙法
蓮華三世諸佛將說此經必先有此種人大相不同餘

妙法蓮華經玄贊卷第一

經人無此初大相故相既非常故須說此即將說此
經先現人大大相者為說此經故也酬說因者下云諸
佛如來唯以一大事因緣故出現於世乃至廣說無聲聞
弟子但教化菩薩究竟令得一切種智故三世諸佛成
道究竟必說一乘皆是因中方便求趣修學雖滿未
曾演說今時機會不可虛然故赴宿因說斯妙法上
來義類經文甚多恐厭繁廣故略指述後酬請者如
經中說菩薩初生即行七步放大光明遍照十方四顧
觀視作師子吼而說偈言我生胎分盡是寂末後身
我已得解脫當後度衆生作是誓已身漸長大遊出
四門見老病死及沙門相既問識已欲捨親眷末無上

果中夜觀察見諸伎人后妃綵女狀如晁屍深可厭患
即命車匿令被捷陟諸天捧足夜半出城行十四由旬
到跋伽婆仙人所住林中以刀剃髮持妙寶服貧賤衣
衣遣車匿歸報父王已於無連河側六師外道所為降
伏彼六年苦行懃苦過彼日食麻麥飲其非道遂食
乳糜受吉祥草詣菩提樹坐金剛座以智慧力降伏魔
軍證大菩提永出三界是時三千大千世界主及餘天
等來詣佛所請轉法輪化佛讚揚勸且摧說時機未
熟且說方便未說實法今既合宜驚乎等請說乘摧
實之境文殊等請說乘安樂之行弥勒等請說身真
應之果故下經云我始坐道場觀樹亦經行於三七日

中常思惟是事乃至尋念過去佛所行方便力我今
所得道亦應說三乘作是思惟時十方佛皆現梵音
慰喻我善哉釋迦文隨諸一切佛而用方便力由是玄
便且說三乘今機宜熟文贊鷲子等請演暢真宗顯斯一
寶故下經云汝已慙慙熟三請吾今豈得不說安樂行品
中文殊發請世尊廣說四安樂行壽量品中亦復如是
稱勒三請佛言汝等當信解如來誠諦之語三遍勸
信方說身之真應故為酬請說是法華破疑執中有二
一破疑二破執破疑者佛自成道唯記菩薩當得菩提
不說聲聞有得佛果聲聞等疑永不作佛故舍利
弗深自感傷失於如來無量知見乃至廣說而今從佛

聞所未聞未曾有法斷諸疑悔諸小菩薩昔聞大乘
亦疑菩薩獨得菩提聲聞无分或不定性諸小菩薩
疑佛菩提已亦无分由是三乘俱有疑網由此經云聲
聞若菩薩聞我所說法乃至於一偈皆成佛无疑又云
諸求三乘人若有疑悔者佛當為除斷令盡无有餘又
云菩薩聞是法疑網皆已除千二百羅漢悉亦當作佛
此中破疑亦兼破悔之昔脩小不得作佛今聞得作
悔所以除知小乃為大之因故疑通三乘悔唯小有以
寬攝狹但說破疑不說除悔至後卷中當釋差別故為
破疑說斯妙法後破執者聲聞有二一決定種性得聲
聞果定入無餘身灰智滅故諸經云餘人善根沮蘄

時盡菩薩善根不尔二退已還發大菩提心初是定性
後不定性然瑜伽及法華論說聲聞有四決定種性
亦名趣寂二增上慢此是凡夫得第四禪謂阿羅漢
三退已還發大菩提心亦名不定種性且法華會得記
聲聞名退菩提心舍利弗等皆是此類故經自云
告舍利弗我昔教汝志願佛道汝今悉忘而便自謂
已得滅度優婆塞戒經說舍利弗脩大乘道經六十
劫因施眼故大行難成退求小果鶩子亦言世々已
曾從佛教化々城喻品說十六王子所教化衆生過去
結緣之始由是故名退菩提心非不定姓皆是退類亦
有昔日未求於大今者但從小果趣大不定性故四

者應々化々非真攝大乘說諸大菩薩及佛等化所如
聲聞利實聲聞向大乘故留樓那等即其類也法華
論云此中唯為二種聲聞授記謂退心應化其趣寂者
及增上文贊憍佛不與記根未熟熟故菩薩與記雖復愍言
汝行菩薩道當得作佛論云與記今發心故退菩提
心正當根熟為說一乘正破其執應化非真無執可
破示相可尔其增上憍既是異生根現未熟故佛不
與記菩薩々々與々記々者即常不輕為具因記今
信有佛性後漸發心脩大行故其趣寂者元無大性何
得論其熟与不熟應言趣寂由无大性根不熟故佛不
与記菩薩与記具理性因漸令信大不思法故非根

未熟後可當熟故非菩薩與記令發趣大乘心言當作
佛菩薩願心方便化之令生信意如般若經我皆令入
無餘涅槃非皆入盡菩薩記於趣寂亦尔若許趣寂
同增上慢不但不得名為趣寂甚違諸教義不相符由
趣寂者與增上慢合一處說翻譯之主同言根未熟令
其發心正義應言趣寂者根不熟佛不與記菩薩與記
令發信解大乘心故增上慢者根未熟故佛不與記
菩薩與記令發趣向大乘心故若趣寂者後亦作佛
連涅槃等處教文菩薩亦二者頓悟二者漸悟
二義一者若從得二乘果發心向大名為漸悟由
般若或全無故若從二凡而歸於大即頓悟攝未曾悟

六文生數猶多不名漸悟故涅槃經但說聖
不說異生迴心劫數二者但從曾發二心曾
百皆名漸悟具彼性故循彼行故聞
何必證悟況復亦有生數少者謂
二坐順決擇分等經據劫定但
以昔此經所說一乘之理論
一法花一會正唯為退
亦在會故若准攝
元失決定種
記故

果若往僧坊須

乘七寶輦女贊一九及

坐令他聽者生

常得帝釋坐處梵王坐處若復勸人往聽法華

經者生常與陀羅尼菩薩共生一處終不瘖瘡

乃至當來見佛聞法信受教誨法師功德品說若善

男子善女人受持是法華經若讀若誦若解說若書

寫是人當得八百眼功德千二百耳功德八百鼻功德

千二百舌功德八百身功德千二百意功德以是功德

莊嚴六根皆令清淨乃至普賢品云若有後世受持

讀誦是經典者是不復貪著衣服卧具飲食資生

之物所願不虛亦於現世得其福報是以遺教經言

所應度者皆已度訖其未度者皆亦已作得度因緣
故由說此而與未來作大利益是名利後故說是經
顯時機中有二顯時二顯機初顯時者諸佛設教
略有二種一頓二漸頓即被彼大機頓從凡夫以求辟
果如勝鬘經所說一乘是推四乘實故漸即被
彼從小至大機如此經中所說一乘是實二乘權
故此經多被從彼二乘以求佛果多是漸教大乘所攝
古有釋言教有五時第一時者佛初成道為提謂等五
百賈人但說三歸五戒十善世間因果教即提謂等
五戒本行經是未有出世善根器故第二時者佛成
道竟三七日外十二年中唯說三乘有行之教未為